

КАНОН СЯТІТЕЛЮ МІХАІЛУ, МІТРОПОЛІТУ КІЕВСКОМУ

Память празднуем 30 сентября (13 октября)

Тропарь, глас 4-й

Днесь пророчество во апостолах Первозванного исполнися, се бо на сих горах возсия благодать и вера умножися. И иже неверием обветшавши Божественною купелию отродишася и быша людие обновления, царское священіе, язык свят, Христово стадо. Ему же ты, первый пастырь, явился еси, яко первый Крещением послуживый. И ныне предстоя Владыце Христу Богу, моли всем сыном русским спастися: имаши бо дерзновение яко иерарх Божий и священнослужитель.

КАНОН, глас 6-й

Песнь 1

Ирмос: Яко по суху, пешествовав Израиль по бездне стопами, гонителя фараона видя потопляема, Богу победную песнь поим, вопияше.

Припев: Святителю отче наш Михайле, моли Бога о нас.

Яко Божий иерарх и служитель Вышняго Престола со лики святых на Небеси предстоя, молися о нас, служащих Богодухновенными песнями, предстаи с тобою, идеже веселие праведных.

Святителю отче наш Михайле, моли Бога о нас.

Яко избран Господеву во служение славы Его на дело Евангелия Христова, о собранных нас во памяти твоей, святителю Михайле, молися, да поработаем в заповедех Евангельских и приимем мзду веселия преподобных.

Слава: Яко свеща на свещнице стоя, светом ты благих деяний просиял еси далече, яко и неверныя людие, твоим, отче, наставлением узреша Свет Боговидения, и радуется

страна, тобою просвещенна.

И ныне: Яко истинный Свет от ложесн Своих явившая миру, нас во тьме страстей ходящих просвети и настави на путь, путь порождающая роду христианскому, Марие Богоневесто.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Святителю отче наш Михайле, моли Бога о нас.

Не бе вера всаждена в России, ни благочестие вкорененно, дондеже ты, святителю Михайле, аки премудр делатель, лядину многобожия истребил, и углубил Богоразумия твердое исповедание.

Святителю отче наш Михайле, моли Бога о нас.

Светом свыше освещся, великий Владимир, аки зарю прием ты, Божий иерарше, приведи в омраченную идолослужением Русскую землю, да и тамо освятятся людие твоим пришествием и вразумлятся твердыя веры исповеданием.

Слава: Солнце Правды, Христос Бог, аки светозарную яви тебе, Михайле, земли Русской, юже ты, освещь порождением купельных бани, Владыце привел еси люди новы, обновлены благия веры исповеданием.

И ныне: Солнце правды Истинный Бог наш, плоть заимствовав от Тебе, миру возсиял еси, Марие Дево, и тля многобожия погибе до конца. Светом, Дево Марие, унынием мя омраченного просвети и настави на путь благоденствия.

Господи, помилуй (трижды).

Седален, глас 8-й

Сечивом Евангельскаго учения посеки еси идольское изваяние, капища же на землю опроверг и благочестие насадил еси. Имже красующися, град Киев любовью зовет ти: радуйся, Михайле, архиерею России первопрестольне.

Слава, и ныне: Поющих Ти, радуйся, Избавльшая варварскаго служения, изми работы чуждаго и, сокрушивши в мыслех

идолостра́стие, насади́ Богоразуміе стра́ха Бо́жия. Ты бо еси́ все́му бла́гу Вина́, Нача́ток и Исполне́ние.

Песнь 4

Ирмос: Хри́сто́с моя́ си́ла, Бог и Госпо́дь, честна́я Це́рковь Боголе́пно поёт, взыва́ющи, от смы́сла чи́ста о Го́споде пра́зднующи.

Святите́лю о́тче наш Михаи́ле, моли́ Бо́га о нас.

Хри́сто́ва раба́ и благоче́стна строи́теля, тебе́, святите́лю, идо́лы ощути́вше, рыда́ху го́рце поги́бели свое́я. Лю́дие же Креще́нием обновле́нны весе́ляхуся, пра́здник све́тел о Го́споде пра́зднующе.

Святите́лю о́тче наш Михаи́ле, моли́ Бо́га о нас.

Тебе́, о́тче, на го́ры Ки́евския прише́дшу, перве́йший идо́л Перу́н низве́ржен, влача́шеся ко́ньми, а про́чим от стра́ха трясу́щимся куми́ром. Лю́дие же обновле́ния день по́яху о Го́споде пра́зднующе.

Слава: Всяк пол и во́зраст люде́й пре́жде омраче́нных, ко просвеще́нию грядя́ху на реку́ Поча́йню, и бысть полк безчи́сленный, тебе́, предводи́теля иму́щий. Ему́же послужи́в ба́нею Креще́ния, ко Богоразу́мию наста́вил еси́, Михаи́ле, Бо́жий архиере́ю.

И ныне: Все ро́ди блажа́т Тя, Мари́е Цари́це, и мы пе́сньми блажа́ще, изображе́нному на ико́не лицу́ Твоему́ поклоня́емся, пра́здник све́тел во па́мяти святите́ля Твоего́ пра́зднующе.

Песнь 5

Ирмос: Бо́жиим све́том Твои́м, Бла́же, у́тренующих Ти ду́ши любóвию озари́, молю́ся, Тя ве́дети, Сло́ве Бо́жий, и́стиннаго Бо́га, от мра́ка грехо́внаго взыва́юща.

Святите́лю о́тче наш Михаи́ле, моли́ Бо́га о нас.

Бо́жиим Све́том освеще́шеся новокреще́нии лю́дие, вопия́ху с тобо́ю, Михаи́ле: Хри́сте́ Бо́же, даждь Тебе́ Еди́наго ве́дети Сло́ва Бо́жия, от мра́ка идо́лобесі́я нас изыма́ющаго.

Святите́лю о́тче наш Михаи́ле, моли́ Бо́га о нас.

Подо́ша Иерихо́нская стéны, Иису́сом Нави́ном киво́ту

обнесённу: падоша и ідола, со крестом тебе, иерарше, предгрядущу. Люди же прославляху Слово Божие, Тя Христэ, от мрака неверия человеки изымающаго.

Слава: Красуется град Киев до днесь, банею Крещения одян от тебе, святителю. И носит, аки гривну злату, на выи честное Евангелие Христово. Еже мы лобызаем и прославляем Слова Божия, от тьмы греховныя нас изымающа.

И ныне: Красуемся вси Твоею доброю, Марие Богоневесто, красна бо еси воистинну. И красоте Твоей вожделев Вышний, плоти Твоей соединися: и Человек бысть Бог и обожил нас, во тлю падших, Тебе ради, Чистая Дево.

Песнь 6

Ирмос: Житейское море, воздвигаемое зря напастей бурю, к тихому пристанищу Твоему притек, вопию Ти: возведи от тли живот мой, Многомилостиве.

Святителю отче наш Михайле, моли Бога о нас.

Идолобесия смрадное, аки Моисей жезлом Крестным пресекл еси море, архиерею Михайле, и люди омыв Боговидения водою, привел еси во пристанище, поющих: слава Тебе, Христэ Многомилостиве.

Святителю отче наш Михайле, моли Бога о нас.

Иже первее заблуждшая Русская земля и не утверждена, ныне тобою, иерарше Михайле, наставленна, прииде ко Боговидению. И приемши перстень усыновления, веселится, зовущи: слава Тебе, Христэ мой, Многомилостиве.

Слава: Свирепеющая неверием люди укротив в Русской земли и ярем Церкви повиновения возложив на ня, привел еси, Михайле, многия делатели во виноград Небеснаго Владыки. Сотвори и нас, святе, мудрыя делатели яко приносим ти днесь хваление.

И ныне: Свирепеющая во мне страсти укроти и ярем смирения возложи на мя, Богородице, да в том поработаю прочее время и обрящу милость в День Судный.

Господи, помилуй (трижды). Слава, и ныне:

Кондак, глас 2-й

Моисей второй Россіи явился еси, отче, пренесый мысленный виноград от египетскаго идолослужения в землю пророчеством предуведену. Будет рече утверждение веры на земли, и на версех гор Киевских превознесется паче ливана плод питающ мира всего. От негоже вкусивше, ублажаем тя, Михайле, Божий иерарше.

Икос

Расточенныя люди собрав во един Боговидения разум и Крещением омыв неведения ветхость земли Русской, просветил еси Крестом. И, научив славити Пресвятую Троицу, Отца и Сына и Духа Пресвятаго, сотвори разумное стадо Христу Богу Емуже до днесь верою стоящи, взывает: Избави от всякаго злаго обстояния град и люди тя ублажающия, Михайле, Божий иерарше.

Песнь 7

Ирмос: Росодательну убо пещь содела Ангел преподобным отроком, халдеи же опаляющее веление Божие, мучителя увеща вопити: благословен еси, Боже отец наших.

Святителю отче наш Михайле, моли Бога о нас.

Хладодательною благодати от тебе, святителю, Россія омовенна водою, чешуя разумных очес низверже во святей купели. И позна Единого Создателя своего, верою зовет: благословен Бог отец наших.

Святителю отче наш Михайле, моли Бога о нас.

Тебе, граде Киеве, по Крещении веселящуся, сквернии идолы рыдаху, от нихже первейшим идол Перун влачим вопияше горце. Оттуда людие познавше свое первое заблуждение, с тобою, Михайле, возопиша: благословен Бог отец наших.

Слава: Злат перстень новыя благодати, архиерею Михайле, вложив Россіи на руку, обручил еси невесту чисту Христови, яже от язык Церковь. Сия и до днесь духовне веселящися, зовет: благословен Бог отец наших.

И ныне: Злат Перстень именуем Тя, Дево Чистая, украшен

аки драгоценным адамантом, приединением плоти Христовы. Тем любовью зовём: Благословенна Ты Единая, Сын Твой и Бог отец наших.

Песнь 8

Ирмос: Из пламене преподобным росу источил еси, и праведнаго жертву водою попалил еси вся бо творishi, Христе, токмо еже хотети. Тя превозносим во вся веки.

Святителю отче наш Михайле, моли Бога о нас.

Из пламене идольския лести изьем, премудре, Русскую землю росю Крещения прохладил еси, и несть уже палима возвращением на первая, превозносящи Христа, и тебе, пастыря своего, во веки.

Святителю отче наш Михайле, моли Бога о нас.

Вся добре разчинив, яже о людех новоизбранных, поставил еси пастыри и учителя по градах: и тем новоизбранное стадо испоручив, сам отшел еси Пастырей Начальнику Христу Богу соцарствовать во веки.

Слава: Мног плач и рыдание граду Киеву, твоим, отче, отшествием к Богу, сотворися: но Вышний Иерусалим, приемля тя в недра своя, возрадовася. Идеже живый, не забуди стада твоего, и моли, да с тобою вселится во веки.

И ныне: Многое веселие творю злыми делы бесом и радость, хранителю же моему печаль отвсюду. О Чистая Марие, Мати Христа Бога, настави мя на покаяние, да будет онем плач, Ангелу же моему радость, и мне с ним во веки.

Песнь 9

Ирмос: Бога человеком невозможно видети, на Негоже не смеют чини Ангельстии взирати; Тобою бо, Всечистая, явися человеком Слово воплощено, Егоже величающе, с Небесными вои Ты ублажаем.

Святителю отче наш Михайле, моли Бога о нас.

Яко финик процвел еси, отче, в дому Божии, и плоды нетление мощей твоих всем явил еси: отсюду убо людие уразумевше, яко предстоиши Христу, тя песнями величаем.

Святителю отче наш Михайле, моли Бога о нас.

Яко благовонный кипарис, святителю, благоухаеши, и наслаждаеши поклоняющихся ти и нас исполни благоухания твоих молитв, яко песньми память твою величаем.

Слава: Лик святителей Русских и любопряденственных соборы величаем: сотецйтесь ко святей пещере, пастырие Первоначального Пастыря, людие же отца своего песньми почтите с нами, днесь бо память его величаем.

И ныне: Вся тварь песнословит Тя, Дево, яко прошедшую вся Небесная врата, и ставшую Огнезрачного одесную Престола. Одесную стати и нас сподоби Сына Твоего, яко песньми, Родшагося из Тебе, и Тя величаем.